




忽往集



二〇二二年 十月 廿六日

序 言

清秋十月，身居围城，徒然萧索，问芷青有无近作，得编一集，名忽往，问所以然，是文与可之独游诗『忽往而忽来，其谁知踽踽』。果伤心人独有怀抱，也记余『谈抱负总成虚妄，笑区区天灾，不抵思想，论古今则忧伤草木之怀，长惭青襟之涕，料江湖彳亍，无非沦落在风尘』，共与戚戚。

余等捉字成篇大概只是事馀，行而不得，托言于古道，妄图以身为度，行为律矣。

人生于唐，故以诗发其胸臆。而今有生民之大义者，必爰复古于古道，以时代之精神，囹圄之思想，图其变复。

独游

[北宋·文同]

孤亭入阴森，竹径北松坞。
高林动清吹，犹滴前夕雨。
解衣此危坐，左右一不许。
性本不奈杂，况复兹寡侣。
孤怀托寥旷，世虑绝参伍。
幽花为谁笑，独鸟只自语。
身闲得天全，一息了万古。
忽往而忽来，其谁知踽踽。

陈之微

2022 年 10 月 26 日

忽往集

个人简介：

钟芷青，江西赣州人，春在堂养老疗养院长，地球喵喵教首席信仰教徒，黄花教荣誉长老，秉烛园峡谷旅游金牌会员。

词

◎浣溪沙·晨游梅江河

远岫叠烟黛色青。桥接两岸正人行。惜怀晨诵赛鸡鸣。
短棹摇波妍影碎，寒江渡北带风清。谁知白鸟几回萦。

◎鹧鸪天·夏日往事

槐夏裁阴堂径幽，南枝叠翠醉人眸。登楼凭槛轻传语，弄草临风戏作球。
红叶坠，白云休，梧桐摇落又逢秋。旧时嬉景仍追忆，堪叹华年难再留。

◎清平乐·赠青兰

见君青舫，笑眼眉波漾。携手清游花下唱，笑靥盈盈相望。
纤娇对镜新妆，飘飘罗袖萦香。嗟叹流年不记，再逢已是他乡。

◎踏莎行·思归

阴雨连绵，寒潮渺漫，飞花窗入留书案。红笺未笔泪先流，薄衣拭拭愁肠断。
露湿黄襦，烟濛青伞，梅江草畔声声唤。从兹一别梦千秋，寂寥几绝催春半。

◎八声甘州·记夏日暴雨晚霁

遣黑云泻注作惊雷，霖潦绕阶除。倏狂风一扫，碧波来去，银带回舒。纵把尘烟洗尽，氛翳荡消初。待得山容敛，留与谁居。
岚霭杳濛林处，剩幽丛清露，点点疏疏。拾流萤几色，时共浅妆梳。最难忘、梅江弄影，挽友生、对月两徐徐。人间是，折芳载酒，乘兴归欤。

◎清平乐·考试周难

凄凄芸馆，黄卷身前满。思绪无端愁作伴，刻烛更烧嫌短。
几番澹墨成团，空临素纸嗟叹。常恨年年此夜，阑干独倚风寒。

◎浣溪沙·晚风

淡月半藏隔画桥，碧漪微动拨轻桡，清风宛宛染冰绡。
挥袂送君犹昨日，倾杯留我醉今朝，秋声听罢总无聊。

◎鹧鸪天·杂感

江堤柳絮欲随风，飘扬游恣满青空。轻涛动雪浮微影，捲箔凭阑望远鸿。
魂梦外，劫尘中。平生行色忍匆匆。悠悠一别知难再，流水辞山不复东。

◎临江仙·杂感

孤枕卧看星与月，时听细细风吟。吾生如寄此幽寻。放怀舟不系，一醉梦槐阴。
在世藩篱多成困，误身方觉情深。夜凉酒醒摄兰襟。谁人知我意，独坐抚瑶琴。

◎蝶恋花·中秋怀宇婷宝贝儿

楼角清风吹绮幔，珠影玲珑，炷落香烟散。藕臂更移青玉案，凌波罗袜凭栏看。
月照盈盈秋水畔，杨柳多情，还引心愁乱。犹忆当年诗酒伴，云笺何寄莺相唤。

联

◎母亲

在世多离交语浅；
此身衣袂系情深。

◎听某音有感

赤心殉国终横槊；
白首逢夷再请缨。

◎安庆大观亭

断壁残垣，尘扬三度埋忠骨；
幽亭高阁，水绕四方生杰灵。

◎香雪海

白雪点琼枝，赏邓尉梅花，几番辗转添幽兴；
翠烟含玉缕，折灞桥杨柳，多是徘徊弄别情。

◎庾信小园

小筑倚闲情，有榆柳棠梨，尚得一隅安枕处；
幽栖添雅趣，交鸿儒志士，还成三径漫游时。

◎王徽之

一室满清风，且径竹啸吟，散怀寄傲嫌多少；
四邻皆白雪，乃扁舟醉酒，乘兴归桡奈几何。

◎友人

遥隔千山，对影轩窗题满杏；
近瞻一月，临风诗酒泛轻舟。

◎题寝室

繁稠如雨，荣闹似香，幸得半窗，闲瞻明月；
鸺鸟不群，花枝难并，愿成一树，醉倚清风。
附：虽处一室，然多有间。志趣难合，常独立而。

◎有感

良善难修，幸有诗书常作伴；
佳时偶得，须邀山月与同归。

◎中青

何苦相知非岁久；
所欣交契似情亲。

◎挽袁隆平

情钟稻种，身系桑田，守九载清芬，尚留我辈；
为昔神农，是真国士，成百年苦节，顿失斯人。

◎题七夕

白榆摇落，丹桂扶疏，同结彩楼，尚知乞巧；
北有负輶，南来投杼，作分河汉，谁泛星槎。

◎春在堂

风月著花枝，纵小圃栖身，亦足清游閒畅叙；
深心事学务，须群经落笔，且将明理懋躬行。

◎孔子

穷困在涂，还添几载文章著；
善仁当道，留有三千弟子行。

◎秋夜感怀

林溪引渡石桥，小伫看花，生得青山终老意；
风月藏于蜗舍，閒来吟草，愿随白鹿上清游。

◎读《月亮与六便士》有感

浮月弄江心，拚此身来，压弹波漾清光里；
孤征任鼓舌，彻天命去，销歇荣华尘世中。

◎题外星人

寄卧小星，攸去烟云无觅处；
覆翻流岁，从来寰宇不知源。

◎深夜读维舟《平生风义兼师友》

几载青衫苦淹留，不消意气；
一抔黄土愁埋去，都作轻尘。

◎蓬莱阁

清风自往来，吹润边淙，归化青山，一托云帆烟景阔；
春色无深浅，湿花上月，流为素练，几裁衾枕草虫眠。

◎桂花

玉雪簇枝头，待嫩蕊玲珑，常教花雨秋风里；
粉囊敲枕畔，怀清香杳袅，一送云烟醉梦中。

◎见橙思归

秋深群木落，橙熟半山黄，个中风味谁知，教我视今犹昨日；
鸿雁几曾归，浮云何处卧，千里乡情恐诉，梦魂随月渡沧江。

◎祝东东二十岁生日快乐

正碧梧益叶之年，麟经下笔，鹏赋和歌，自有长君存远志；
踏青石苍苔为径，桃坞春浓，竹簾风软，时则诸子共清谈。

◎张良

知天命乎岩墙不立，待黄石授兵，便了讎仇成夙志；
尽此心尔辟谷归之，从赤松游道，翛然谢事卧云烟。

◎感怀

杖履微吟，还携取一春花事；
依山独坐，徯此间满目清风。

◎i am afraid

栽一朵玫瑰别在胸前，清月依微，只合空庭稀树影；
馀几分苦涩幽于心底，冷烟飘袅，何曾魂梦语佳人。

◎我的 2021

赏寻常光景，读三五诗书，不怠不荒，身立行藏自无忝；
传木铎雅音，歌菁莪乐育，斯抬斯敬，襟题卓尔在吾侪。

◎山水之间

水木清醺涵净碧；
轩窗虚籁落轻红。

◎思雪

一叶覆清溪，有玉笙吹彻，樽酒分来，天共水云移棹晚；
数峰连古道，看竹影横阶，松花落雪，风扶山月入襟寒。

◎夜梦友人离去有感

江空远碧，笛咽清光，有情还寄流波，山川曾是樽前客；
殊以其归，求乎所冀，尤怨难描风月，花柳祇今笺外春。

◎记除夕夜游龙溪湾

明月揽流光，逐潋滟清波，长风吹起潇湘意；
亭台闲信步，恰二三良友，曲槛笑谈云水乡。

◎祖国母亲在召唤

碧血洒旌幡，纵万骨成丘，甘向敌雠征战死；
衷肠倾涕泪，作孤魂游野，愧临父老傍沙眠。

◎折柳

最宜溪上春，晴波鳞跃，环佩轻舟，流光抛却烟梢影；
谁载花间酒，远岫云推，管弦小榻，幽梦来时杨柳风。

◎西南联合大学

细水并滇池，当培琪树芳兰，莫教辜夹岸千回，萦山百曲；
高风经学舍，尚可博文英武，正有待形图麟阁，铭勒燕然。

◎杂感

斜阳独倚高楼，遥思天外尽，难解客中悲，说与春来，故里新桃何处好；
玉蝶双飞幽院，对舞一枝红，同栖三径碧，谁从云老，堂前旧燕几时回。

◎匡山读书处

山鸟听窗，檐花落酒；
身将星隐，心与云闲。

◎乐山大佛

飞鸟去来间，江天不老；
山僧栖宿处，佛土容安。

◎快哉亭

古道新经雨，青苔湿履痕，试问莺花明月，谁许人微步幽寻，林下清风盈我袖；
连峰浅入溪，碧树低帆影，相期挥麈抱琴，还须要高吟逸兴，杯中美酒洗胸襟。

◎黄浦江

前泽剪淞江，逾年疏浚通堙，其利飡民，水接舟航平地履；
来潮拍矶岸，何日连天喷雪，馀音枕梦，路回村郭晓鸡鸣。

◎疫中封校有感

逢春当胜游，忆曩昔轻黄点额，空翠扑衣，腊屐常从花下过；
扫榻期何日，叹而今篱落隔烟，庭除分雨，飞觞每自枕中眠。

◎祝左然生日

逢君正四月清和，阶生蔓草，庭茂桃夭，晏坐韵松风，分咏山光成趣；
置酒同三春介寿，倾祝惟康，愿言从欲，行歌怀胜赏，时从鱼鸟忘机。

◎挽藤子·F·不二雄

幽居彩笔挥，行处叮当曾伴我；
寒夜文星落，归时尘迹不堪寻。

◎青春何为

直道自风流，何必青云，山雨横来犹按剑；
平生倾意气，会须白酒，林泉物外许经年。

◎当湖

移棹赏莺花，尽收归鱼戏晚晴，荷轻春水；
敲棋惊鹤梦，都幻作虫声缥缈，竹影参差。

又

移棹倍流连，似当年鱼戏晚晴，荷轻春水；
敲棋疑幻梦，又几度虫声缥缈，竹影参差。

◎感怀

注：深夜独归，忽觉月圆如玉。行人匆匆，余亦同。人生如寄，何时忘却营营？
逆旅便经年，凌云逸足，孤月此心，走马浮尘堪自笑；
羁栖有归日，风雪一蓑，菊松三径，骑鲸沧海复何如。

又

逆旅已经年，尽云烟过眼，散了春光，走马浮尘堪自笑；
田园有归日，时草木栖身，陶然野趣，骑鲸沧海复何如。

◎高考

小阁度春秋，写不尽半树莺花，一汀烟雨；
高风生羽翼，莫辜负连旬灯火，诘旦钟声。

◎落雪亭

晴雪发新梅，香沁玲珑，盈掬煎茶斟次第；
扁舟惊野鹭，天开图画，好须落笔借丹青。

◎荆轲

侠气满燕都，斩却长虹三尺剑；
秋风寒易水，势摧肝胆一声悲。

◎赠菜菜

秉烛夜开樽，犹忆苦吟曾笑我；
落花朝满径，寄言清梦久随君。

◎赠浩宇

云烟醉晚秋相忆；
金石交深文所缘。

◎风

飞絮动征衣，别来玉笛声中，无言樽酒泪千行，夕阳不尽；
落花吹客梦，曾入故山深处，试问伊人春几许，朝槿何如。

◎久旱忽雨凉甚喜而有作
雨落重霄，席卷四围山秀润。
风宜此夜，从容一枕觉清凉；

◎小镇做题家
伏案非民愿，只因身命厄穷，冀廿年儒业起家，尔辈恶嫌何至此；
为官本世情，应自光阴勤笃，倘一夕宦门入殿，吾曹冤愤岂能平。

◎春在堂
文章行志，草木会心，成材须自由，使金石有声，鸣之肺腑；
在野泉清，傍山天净，极目思无限，看芝兰竞秀，荫入轩庭。

◎中华白鲟
海岳育精灵，难觅其踪，烟波俯仰身行逸；
祸灾枯血脉，不堪斯世，天地苍茫魂渺然。

◎老区精神
世英维岳降神，为民心膺，为国股肱，百战建高牙，当此际鞠躬尽瘁；
黎庶因材施教，崇贤以仁，却愚以化，千秋启昌运，又何妨沐雨栉风。

◎贺江西省楹联学会第四次会员代表大会
四海远来游，结平生文字因缘，玉麈清谈成雅会；
三秋宜作赋，览此地江山胜迹，琼台茗饮试新凉。

◎怀铅堂
席上萃群英，爱此间水月清凉，宜晴宜雨；
毫端生万象，到处有云烟赋咏，载笑载言。

◎记昨夜天台小聚
平屋叙温寒，絮语衔杯风细细；
尘途淹岁月，空怀倚槛影萧萧。

◎盈盈一水间
相思不似旧欢长，扁舟难寄；
魂梦常随往事空，逝水犹寒。

◎四川大学雅韵古典文学社
淮秀冠蓉城，数千年道统真传，溯此间奎宿文光，正好敦诗说礼；
羽觞盟蕙帐，二三子儒襟会聚，同领略弦歌德化，还从雅韵清音。

◎望月
不似去年为客身，夜来尤觉寒，长街声寂，小院影空，独对楼头明月；
未闻何日归庠序，朝起还如旧，望四围山，书方寸地，消磨眼底时光。

◎憩云岑

闲来时拾取桃花送春水，懒起处卧眠松石抱诗书，俱是清凉，尘事万般了了；
聊乘化以归尽合须臾间，仰幽岩而流盼同方寸地，如何舒卷，浮云千载悠悠。
又

闲拾桃花流涧水，懒眠松石抱诗书，俱是清凉，尘事万般了了；
时幻化合须臾间，聊浮游同方寸地，如何舒卷，白云千载悠悠。

◎落花

寄春无住，到枕无言，梦里依稀，风吹别泪；
蜂蝶曾栖，衣冠曾识，尘中往复，月照此身。

◎听雨轩

随心去往，随意风流，莫管他青眼白眼，直趁取良辰，枕一榻秋，听四时雨；
不为世忙，不因尘困，且任我优哉游哉，尽修成故事，倚半窗月，读万卷书。

诗

◎漫

柳烟侵赭厥，依缀补苔山。
卉木离离溢，虬枝点点梅。

◎赠小白

辞行万里逢秋色，九月林花见浅云。
雾霭言君诗语尽，余情结社愿长留。

◎雪

枝错雕白骨，风狂浸月涂。
别君十载久，情咽语残孤。

◎春节喜见故人

万户徐光彩，连云久不开。
今朝星漫月，缘是故人来。

◎即兴遣怀

时来秋色倚荆扉，都付露珠沾我衣。
一叶红尘缘扫尽，清风栖树影微微。

◎拟冰郎回书

春来不见君，别苦遍花闻。
难了相思意，金钗双股分。

◎冬日感怀

碧溪深处泊孤舟，青磴纡行访昔游。

偶遇樵童松下语，夕阳横卧远山丘。

◎浙大千年古莲开花

芙蓉新出水，玉立小池中。
红绽千年韵，翠生六月风。
襟怀周子并，恣纵谪仙同。
自得樊笼里，清香净远空。

◎庙坪山顶代少安赠润叶

客路随江尽，群山夕照移。
双鱼复难委，鸿雁独来迟。
还忆相思苦，堪怜草木悲。
他乡无计日，从此遂分岐。

◎听《Take Me Home Country Roads》

偶然逢石坐，暮看白云归。
怀抱何舒卷，行藏两忘机。
秋光连野岸，雁影过人衣。
尽作空尘想，山昏未掩扉。